

10
249
DISSERTATIO JURIDICA INAUGURALIS,
DE

VERO RERUM PRETIO,

QUAM
DIVINI NUMINIS AUSPICIO
EX DECRETO ET AUTORITATE
MAGNIFICI FCTORUM ORDINIS
IN ILLUSTR. VIADRINA,

PRÆSIDE

DN. HENRICO COCCEJO,

JURISCONSULTO,

SERENISS. ET POTENTISS. REGI IN BORUSSIA

AB AULÆ REGIÆ CONSILIIS,

FACULTATIS JURIDICÆ ORDINARIO, PROFESS. PRIMARIO,

& h. t. FACULT. JURID. DECANO,

ANTEA

SUMMI CONSILII STATUS ELECTORALIS PALATINI

ET COLLEGII REVISORII ASSESSORE, IN ALMA HEIDEL-

BERGENSI DECRETAL. PANDECT. ET JURIS GENT.

PROF. PUBL. ORDIN. MERITISSIMO,

Dn. Patrono ac Promotore Suo Ad Cineres Debita Observantia Colendo,

PRO

SUMMIS IN UTROQ; JURE HONORIBUS AC PRIVILEGIIS
ritè ac solenniter consequendis

Die XIX. Junii An. MDCC I. Horis ante- & Pomeridianis,

Publico Eruditorum Examine submittit

DETHARDUS DÜSING,

BREM. SAXO,

Francofurti ad Viadrum, Literis Christophori Zeitleri.

Iterum impressa 1712.

11

01

1971

2015

01

2015

2015



SUMMARIA.

1. *Mensurarum usus in vita civili multus.*
2. *Quantitatum distinctio in scholis;*
3. *Et Jure. Aliud est, in numero, pondere mensura rem consistere; aliud, ita vendi posse.*
4. *Virtutis quantitas & mensura.*
5. *Mensura rerum, seu ejus valor.*
6. *Mensura est vel extrinseca vel intrinseca.*
7. *Valor & aestimatio rerum itidem. Aestimatio rebus continetur, non contrā.*
8. *Quae aestimatio intrinseca.*
9. *Fit ex rei utilitatibus.*
10. *Non spectatur semper rei utilitas naturalis. Pretium est naturale, civile, singulorum, vel arbitrarium.*
11. *In republ. respicitur pretium civile.*
12. *Naturali aestimatione ea quae ad hominum necessitates condita sunt, longè pluri esse omnibus gæzis, probatur ratione.*
13. *Item experientiā & Mida fabulā.*
14. *Eam solam non attendi, sed variare precium, I. Difficultate comparandi.*
15. *II. Desideriis hominum.*
16. *Hinc queri de mensura, quā varius rerum valor definiri possit: Aristoteli indigentia suit.*
17. *Id verisimum esse. Dissensus Grotii & Puffendorffii.*
18. *Ipsis non rectè accepta est vox Indigentiae. Ea est cuiusq; rei quae desideratur.*
19. *Variat illa pro usus frequentia & comparandi difficultate.*
20. *Probatür hoc exemplis.*
21. *Si duae res sint, quarum par usus est, & comparandi facultas, par erit indigentia & pretium.*
22. *Has permutandi ratio antiquissima.*
23. *Q. An emptio venditio tum esse poterit, cum nummis nondum uterentur? Aff.*
24. *Precium tum fuisse res supervacuas, imprimis aurum, argentum &c. appendi solita.*
25. *Aliquando tamen & alias res minas necessarias, quam quae deside-*

- desiderabatur : etiam pecudes, 38. Ostenditur porro mutatio pretii rerum à tribus seculis, & ex quo nova terra sunt invente, exemplo à Curia civitatis Bremensis sumto.
26. Refellitur Horomanni sententia, hodie quoque emtionem esse sine nummis. 39. Quæ fuerint rerum pretia eâ anno 1410. exstructâ.
27. Respondetur ad l. 1. C. de Rer. perm. 40. Quæ eâ anno 1611. reparatâ.
28. Permutationum difficultas. Cujus remedium mensura rerum generalis. 41. Cur olim in summa penuria auri & argenti tor & tanta opera exstrui potuerint, ut vix hodie.
29. Quæ ad hujusmodi mensuram requirantur. 42. Crescere quoq; rerum pretia, auro argentoq; vero viliori mixtis.
30. Ea requisita concurrere in nummis, aureis vel argenteis. Quid de aneo. 43. Hanc præcipuè causam fuisse, cur elapso recens seculo adeo excreverint rerum pretia : Quis ei rei modus positus sit.
31. An impediatur mensura rationem, quod materia ad alios quoque usus adhibeatur? 44. Quantum patrimonii decedat tali moneta.
32. Olim auro non fuisse usum promiscuum. 45. Item ex Rec. Imp.
33. Auri argentiq; pretium quoq; copiam vilescit. 46. Si Alchimisica arte aurum fieri posset, omne propè ejus pretium efflueret, nec ipsis Inventoribus id profuturum esset.
34. Probat id experientia. 47. Bonitas nummi intrinseca statuitur judicio summæ potestatis. Quousque id valeat.
35. Europam, inventis novis terris auriferis, verâ astimatione non locupletiore sed egentiore devenisse. 48. In nummis regulariter inspicitur bonitatem tantum extrinsecam.
36. Id porro inducitur. 49. Confectariorum quæ subiecta sunt, summa facile sunt, eam & ipsa summa tantum rerum sunt.
37. Etiam exemplis antiquissimarum rationum.



L. N. 7.

DISPUTATIO JURIDICA INAUGURALIS
DE
Vero Rerum Pretio.

§. 1.



Ensurarum plurimus in Vitâ
Civili usus tantaque cûm utilitas
rum necessitas est, ut nulla pro-
pe vitæ Civilis pars iis carere
possit: etsi enim incerta in ob-
ligationem venire possint, l. 74.
princ. l. 75. pr. §. 4. §. 8. ff. de Verb.
Obl. l. 40. §. 1. ff. de Cond. indeb. l. 3.

ff. de Cond. sine caus. l. 3. §. f. ff. de Rei Vind. præstari ta-
men non nisi quod certum est potest, adeo ut cûm
incertum in obligatione est, sententiâ Judicis id defi-
niendum sit, & si definiri plane nequeat, nec obliga-
tio valeat, nec sententia. §. Curare 32. Inst. de Action. tot.
tit. C. de sent. quæ sine cert. quant. Unde de rerum men-
suris seu modis, quibus res ad certam quantitatem
mensuramque exiguntur, tam necessaria in Jure quæstio
est atque tractatio.

A

§. 2. Ha-

§. 2. Habent scil. res aliquam in se mensuram, sed quæ non apparet nisi exploretur comparatione ad aliam quæ certa est. Id verò variè fit prout varia sunt quantiratum genera. Ita Logicorum Scholæ distinguunt quantitatem virtutis, quæ est perfectio rei & molis, quæ ipsis est vel discretæ, ut numerus; vel continua, ut quod in longum, latum ac profundum patet. Item alia dicitur successiva, ut tempus ac motus; alia permanens, ut modus fundi &c. Vid. Aristot. *de Categor.* quem alii quidem redarguunt, Vid. Derod. *Logic. part. 1. cap. 9.* verùm alterius id fori ac cathedræ est. Nos tantùm ea quæ nostræ disciplinæ sunt, delibabimus.

§. 3. Ex tralatitiâ igitur & luculentâ satis JCronum doctrinâ quantitas exquiritur numero, pondere, vel mensurâ. Numero metimur res, de quarum singularum quantitate vel constat, vel non quæritur: Pondere, quæ dura ac solida sunt: Mensurâ, quæ liquida vel liquidis in eo similia, quòd per partium exilitatem mensuræ partes omnes implere possint, uti frumenta: sæpe & res fructusq; majoris quantitatis, si sc. non tanta sit singulorum corporum inter se disparitas, ut inde notabilis mensuræ variatio oriatur, vel saltem non tanta, ut de eâ admodum solliciti sint illi inter quos res agitur. Unde eadem res partium voluntate ad numerû, mensuram & pondus permutari possunt, & licet plerumq; ad numerum distrahantur, possunt tamen minores etiam ad mensuram vel pondus: uti cum Cæsar populo triumphale epulum dare vellet, 6000. murænarum appensa ab Hirtio accepit. Plin. *lib. 9. Hist. cap. 55.* Macrob. *Saturnal. lib. 3. cap. 15.* Sed & aliud est, quæ res pondere, numero, mensurâ permutari consensu

sensu partium possint, aliud, quæ res non aliter soleant, uti res fungibiles quæ in quantitate consistunt, seu numero, pondere & mensurâ constant: ita fundus ad mensuram ad jugera venire potest, *l. 1. princ. ff. de Condiç. Tritic. l. 64. pr. ff. de Eviç. l. 40. §. 2. ff. de Contrah. Emt. &c. grex ovium ad numerum, l. 35. §. 6. ff. eod. tit.* non tamen ea in quantitate consistunt.

§. 4. Non tantum autem vulgaris ista & mere quasi Mechanica metiendi ratio, sed & alii tum occultiores tum nobiliores modi sunt, quorum usus cum in morali disciplinâ & Juris prudentiâ, tum in omni vitâ civili est maximus. Nam & quandam virtutis quoque quantitatem allegavimus *supr. §. 2.* eamque metiuntur varii honorum dignitatumque gradus. Illi enim naturaliter nihil aliud sunt, quam æstimationes virtutum, uti pœnæ æstimationes delictorum: *l. 41. in f. ff. de Pen.* & uti pro modo delicti pœna, ita pro modo virtutis vera dignitas definitur: Atque hæc est vera meriti ratio, ut proportio sit, quemadmodum inter delicta & pœnas, ita inter virtutes & honores, sive enim dignitas eo quod meritis, vel quo dignus es, major est, hætenus erit indignitas; si minor, non deficit tamen dignitas, non magis, quam jus ei, cujus est, etsi non tribuatur.

§. 5. Deniq; rerum quoque usus & commoda quæcunq; quantitatem habent: atq; hæc est, quæ rerum valor seu æstimatio dicitur, & de cujus verâ mensurâ nunc quæritur, an scil. & quænam sit quantitas, quæ cujusq; rei valorem metiatur, adeoq; sit verum rei pretium, quam quæstionem paucis pro instituto & Disputationis Inauguralis materiâ evolvam.

§. 6. Primum itaque in omnibus quas recensui

4 DISPUTATIO JURIDICA INAUGURALIS

speciebus duplex est mensura, intrinseca, quæ ipsi rei inest de quâ explorandâ agitur, vel extrinseca, cujus comparatione definitur atq; cognoscitur intrinseca. Ita pannis, agris &c. inest longitudo certa, quæ ulnarum, decempedarum, similiumq; instrumentorum, quorum certa est ac constat mensura, comparatione exploratur. Atq; ita ulnæ & decempedæ longitudo est cum in agris tum in ulnâ, decempeda &c. Pariter pondus auri & argenti est in ipso auro &c. sed cum id lateat, proditur appensis ponderibus, quorum certa ac definita est quantitas. Et sic frumenti acervo inest certa quantitas, sed ignota: eam igitur detegimus modis &c. quorum modus partibus perspectus est; idemq; in numero capitum gregis, atq; ita de cæteris: adeo ut dignitas quoque, quæ est virtutis mensura, & in ipso virtutis merito sit & in collata dignitate.

§. 7. In eundem modum valor & æstimatio quoque rerum intrinseca est vel extrinseca. Intrinseca est in rebus ipsis, extrinseca in illâ rerum mensurâ, quam jam quærimus. Hinc, qui rem habet ejus etiam æstimationem habere dicitur, scil. intrinsecam, quæ ipsâ re continetur: *l. 88. princ. ff. de Verb. Sign.* ubi dicitur, centies aureorum habere, qui tantum in prædiis cæterisq; similibus rebus habeat. Non e contrario qui æstimationem (extrinsecam) habet, etiam omnes res habere videtur quæ eâ comparari possunt: *d. l. 88. in fin.* licet æstimatione extrinsecâ, v. gr. 100. aureis legatis, etsi tot aurei in bonis non sint, ex bonis tamen redigendi sint. *l. 12. princ. ff. de Legat. II.*

§. 8. Primum itaq; de valore rerum intrinseco ut videamus. Ille definitur ita, ut quò plus inde utilitatis expectatur, eò majoris æstimetur: unde verum fun-

fundi pretium ad redditus proventusque annui rationes exigitur. *l. 92. princ. ibi excusso pretio secundum redditus ejus fundi. ff. de Legat. 1. l. pen. princ. ibi: pro fructuum modo pretium inventurus. ff. de reb. eor. qui sub tut. arg. l. 3. §. fin. ff. ad L. Falcid. l. 16. C. de Rescind. Vend.*

§. 9. Verum utilitas illa non semper respicitur qualis in se sit, sed & qualis ei qui rem sibi comparaturus est: Is enim non tam spectat quid in se, vel aliis, sed quid sibi utile sit, & ne hoc quidem quid suam vere interlit, sed quid sibi expedire existimet, quin quicquid desideriiis suis maximè congruere arbitretur. Unde variè putari potest & æstimari rei utilitas: Vel enim (1.) spectatur rei utilitas, quatenus in se & à natura est, arque adeò respectu hominum communiter, & hoc pretium rei naturale est *l. 63. princ. ibi: Precia rerum communiter funguntur. ff. Ad L. Falcid. Sen. Epist. 66.* Vel (2.) spectatur illa respectu certi populi, cum pretia locis ac populis variant ex causis quæ deinceps tradentur, idq; pretium Civile explicationis melioris ergo, licebit appellare, de quo *d. l. 63. §. fin.* Vel (3.) respectu privati, cujus peculiaris utilitas, sed vera spectatur, idque proprie non pretium, sed id quod interest, aliquando tamen pretium singulare vocari solet. *d. l. 63. pr. ibi: non utilitate singulorum. Dd. ad l. un. C. de sent. que pro eo quod int. & ex quibusdam causis, præter commune pretium, creditor id quoq; quod suam interest recipit: Vel* (4.) respectu privati, cujus affectu utilitas æstimatur. *d. l. 63. princ. ibi: affectu singulorum; uti quod partes consensu in emtione constituunt, & pretium arbitrarium dici posset. princ. Inst. de Emt. & Vend. ibi: simulatque de pretio convenerit.*

§. 10. Et si autem in Jure communi precium re-

rum illud intelligatur & nomine precii veniat, quod civile diximus, & in Imperio verum precium est; tamen in quibusdam casibus Jcti Romani prudenter, secuti sunt pretium naturale, ut in Lege Aquiliâ; quod ut intelligatur ejus precii ratio paucis excutenda est.

§. 11. Naturali igitur æstimatione tantò pluris res est, quantò plus veræ utilitatis affert in communem hominum societatem: quâ ratione certum est, aquam in humanâ societate & naturaliter longè majoris esse pretii, quàm quicquid è terris effoditur, vel ex conchâ vel murice divitiarum nascitur, sine his enim homines vivere possunt, & sine iis diu humanum genus substitit, ac multi populi ad hæc usq; secula substitere, sine illa verò neutiquam possunt. Ita eâdem naturali æstimatione inñitè majus precium erit eduliorum, & eorum quæ natura ad alendos vestiendosq; homines condidit, quàm omnium totius orbis gemmarum, auri argenti &c. ex eâdem, quàm modò dedi, ratione.

§. 12. Quod si ratio, quæ tamen certâ ac evidens est, non pervincat, hominibus torius ætatis præjudicio occupatis, appellamus præterea experientiæ fidem, & incorruptiora hominum, sincerius & naturalius res æstimantium, judicia. In alterâ navigatione Americi Vesputii referunt: *Cum Valboa, Hispanorum in Americâ Dux, fœdus cum Panchaico Indo, qui jam baptizatus & Carolus dictus fuerat, contraxisset, atq; ille ex fœderis placito magnam vim auri &c. offerret, ac in divisione Hispani rixantes ad manus propè venirent, risit eos Indus, quod de auro litigarent AC SI EA RES ESUI POTUIQUE ESSET, promissitque, se satiaturum eos tam vili metallo: atq; in eam rem consilium ipsis dedit.* Similia referuntur, inventâ
pri

primùm Groenlandiâ de ejus incolis, & de omnibus propè novi orbis populis, qui aurum, argentum, unio- nes &c. vitro, crepundiis, aliisque viissimis rebus per- mutant. Quin de Germanis Majoribus nostris ait Tacitus *de Mor. German. cap. 5. Auri argentique pos- sessione & usu baud perinde eos affici; & videre apud illos esse argentea vasa Legatis & Principibus eorum muneri data, non in aliâ vilitate quàm quæ humo finguntur.* Additque, *Gallis tamen proximos, ob usum commerciorum, aurum & ar- gentum in pretio habere.* Nullum itaque natura preti- um habuit, sed ab usu Civili commerciorum accepit. Idem *d. lib. cap. 45.* refert de pretiosissimo illo succino, (Bernstein) quod apud Æstios invenitur) ubi hodiè sub felicissimis Gloriosissimi Regis Borusfici auspiciis antiquissimum Prutenii & Videvuti regnum in vicino monte Regio auspicatissimo omine ac nomine restau- ratum est, quod DEUS O. M. Regiæ Ipsius Majestati fortunare porrò velit) diu illud inter cetera ejusdem maris jacuisse, donec luxuria aliarum gentium nomen ipsi do- derit. Tum pergit *Æstius* (Germano populo) in nul- lo usu, rude legi, informe perferri, preciumque mirantes acci- pere. Adeo igitur nullum ejus pretium ex naturâ agno- vèrè, ut mirati fuerint, esse homines qui pretium pro eo solverent. Atque hoc probat verus fabula Midæ, qui precibus à Baccho impetraverat, ut quicquid con- tingeret aurum fieret, omne pretium in auro situm esse ratus: Verùm cum hoc facto etiam cibus & po- nus & vestes contactu aurum fierent, jamque vivendi copia relicta non esset, illicò eum pœnituit & voti & stultitiæ, agnovitque quanti minoris aurum, quo vita hominum carere potest, quàm hæ res quibus non po- test; damnatoque voto suo has precibus à Baccho re- cepit

8 DISPUTATIO JURIDICA INAUGURALIS;
cepit. *Ovid. Metam. lib. 11. fab. 3.* Idque est quod Prudentes veteres inculcare hoc involucro hominibus auri adeò sitientibus voluerunt.

§. 13. Hoc precium naturale secuta est lex Aquilia, & majoris æstimavit damnum pecudis & oviculæ occisæ quàm gemmarum similiumque rerum pretiosissimarum; illius enim quàm harum gravior reparatio fuit, &, qui vel oviculam occidisset, quanti retro res plurimi in anno fuit: qui gemmas &c. tantum quanti fuit in mense, restituere; ille ex primo, hic ex tertio capite tenetur. Cujus rei causa alia non est, quàm precium rei naturale: vix enim res aliæ mobiles sunt, quæ tantum utilitatem ad communem hominum vitam afferunt quàm pecudes: sicoves, quæ ad usum, potum, vestitum, necessaria sunt, produciunt, & ad stercoreandum agrum, aliæ verò etiam ad onera ferenda, (quæ res in vitâ humanâ maximi momenti est) agrumque colendum profunt: Unde pecudes servis in illo capite æquiparantur, per quos, tanquam organa & instrumenta rationalia, maximè omnium rebus gerendis idonea, plurimum in primis præsidii ac commodi dominis affluit.

§. 14. Cæterum hoc naturale pretium solum in vitâ civili non attenditur, ut Seneca d. *Epist. 66.* jam docuit: *Ex opinione, non ex naturâ pretia rebus imponi:* idque duabus in primis ex causis. Nam (I.) precium augetur difficultate: ut adeò etsi par eademque duarum rerum in Remp. sit utilitas, illa tamen pluris valeat, quæ difficilior est comparatu; uti aquæ summa est utilitas & tamen nullius illa precii, propter copiam, & cum passim obvia sit, ejus percipiendæ facilitatem: unde Plàto aquam τὸ ἀγιστὸν & τὸ ἐυατότατον, rem & optimam

mum & minimi precii dixit. Cùm è contrario vini pretium majus sit, etsi usus minor; quippe cujus multò difficilior est comparatio quàm aquæ.

§. 15. (II.) Hisce porrò, quæ ad hominum necessitates natura condidit, non contenti homines, avidiùs adhuc cupiverunt ea, quorum ad ambitionem, luxum, elegantiam, superbiam, usus est, eàq; cupiditate pretium tecè-re iis quoque rebus, quibus faciliè carere societas hominum posset. Ut adeò verè dixerit Plin. *lib. 9. Hist. 35. Margaritis pretium luxuria fecit.* Quod per singulas gemmarum species exponit idem Plin. *l. 37. pass.* atque uberiùs Cicero *lib. 1. de Offic. vers. Fundamentum.* *Delectant, ait, magnifici apparatus vitæque cultus cum elegantia & copia, quibus rebus effectum est, ut infinita pecuniæ cupiditas esset.* Et Curt. *Lib. 8. cap. 9. Æstimantur purgamenta æstuantis freti pretio, quod libido constituit.* Hinc factum ut sensim pretium rerum supervacuarum, & quæ luxum alunt, æstimatio tanto intervallo rerum necessariarum pretia exsuperaverit, ut quædam gemmæ extra pretia opum humanarum vitæ fuerint. Plin. *d. l. 37. in proem. & Cap. 1.* Refert item Plutarch. *in Caton. Maj. cap. 35.* admiratum fuisse Aristonem, eos potiùs beatos vulgò videri, qui supervacua, quàm qui necessaria ad usum vitæ possiderent.

§. 16. Cùm igitur adeò varient rerum pretia locis, temporibus, affectu, &c. *L. 63. §. f. ff. ad L. Falcid.* quæritur, quæ sit in tantâ varietate & incerto rei valore naturalis & vera rerum ac pretii mensura? Aristoteles indigentiam fecit rerum mensuram, *lib. 5. ad Nicom. cap. 7.* Δὲ ἀρχὴ ἐστὶν πᾶσι μετρεῖσθαι: Τοῦτο δ' ἔστι τῇ μὲν ἀληθείᾳ ἡ χρεια, ἢ πᾶντα οὐέχει: Oportet igitur unum aliquod cuncta metiri: hoc autem reverà est INDIGENTIA,

quæ cuncta complectitur. Additque hanc rationem: *Nisi enim indigerent, vel non pariter indigerent, aut plane non fieret commutatio, aut non hæc fieret.*

§. 17. Nihil equidem verius, si rectè intelligatur: etsi Grotius de *J. B. & P. lib. 2. cap. 12. §. 14.* existimet, indigentiam esse quidem rerum mensuram naturalem, sed non solam, quod hominum voluntas multas res magis desideret, quàm sint necessariae. D. Puffendorff verò *lib. 5. cap. 1. §. 4.* id quoque improbat, & eadem tamen utitur ratione, quod ita pretium luxuriæ non esset: Ipse verò *d. c. 1. §. 8. & seqq.* substituit vagos & arbitrio fictos, nihilque coherentes, neque ratione probatos discursus, pestes Juris Naturalis. Neque verò assecutos eos fuisse sententiam Philosophi, neque ad rationem, quâ ille utitur, animum satis advertisse, facile apparebit.

§. 18. In primis igitur negandum est, quod D. Puffendorff, *d. cap. 1. §. 4.* ponit, indigere non nisi illis rebus nos dici, quibus sine gravi incommodo carere nequimus: Nam è contrariò voce *χρεία* ac indigentia & Philosopho & aliis bonis autoribus intelligitur in genere carentia ejus quod cupimus: & quicquid volumus ac desideramus, si ad manus non sit, eo indigere nos rectè dicimur. Fidem rei facit Cicero *lib. 1. Tuscul. quæst. cap. 88.* ubi ait: *Carere hoc significat, egere eo quod habere velis*, deinde mox addit, *neminem carere eo quod non indiget.* id est, quod non cupit: uti ex iis, quæ præcedunt, apparet. Et jam dixerat *d. l. 1. c. 87. Desiderat, requirit, indiget.* Sic regno indiget, qui ejus cupidus est; & margaritis, qui iis ornari discupit; nec habet, etsi homines eis carere facile possint. Atque hoc levi momento vocis & defenditur Philosophus, & evanescent scrupuli Grotii & Puffendorffii.

§. 19. Hoc

§. 19. Hoc igitur sensu *χρεία* seu indigentiam, (publicam scil.) esse unicam, veram, ac naturalem rerum, earumq; pretii mensuram, & ratione constat & experientiâ. Ut verò evidentior res fiat, videndum antè, quibus modis augeatur aut remittat indigentia. Fit hoc duplici maxime ratione : (1.) Usus frequentia, & (2.) comparandi difficultate. Quo enim frequentior est usus & difficilior comparatio, eò major est rei indigentia, eoque adeò majus pretium quod indigentia metitur.

§. 20. Hinc est, quòd annorum sterilitate crescat illico fructuum pretium, cum eorum usus sit omnium communis, & minùs jam sufficiant, difficiliusq; adeò acquirantur. Ut écontrario annorum ubertate, aucti fructuum eosq; acquirendi copiâ, pretium sensim evilescit. Hinc & in locis, ubi rari sunt fontes & fluvii, aqua ipsa jam venalis esse incipit. *l. 14. §. 2. ff. de Alim. leg.* Hinc maximum beneficium visum fuit, quòd M. Manlio, cùm Capitolium obsesum à Gallis servâset, obsessi Romani se libras farris & quartarios vini concesserint, cùm obsidio earum rerum procurandarum facultatem intercluderet : *Rem dictu parvam*, inquit Livius *lib. 5. cap. 47. caterum inopia fecerat eam argumentum ingens caritatis.* Ita & Diodor. Sicul. *lib. 3. cap. 45. in fin.* tradit : In Arabiâ felici cum penuria sit æris & ferri, auri autem copia, æquali ea pondere permutari à mercatoribus. Et Belgæ, ne vilesceret pretium piperis acquirendi facilitate & copiâ, ingentes tertiarum, quæ piper produxerunt, tractus vastasse dicuntur. Ita & de biblo traditur, non permitti id multis in locis nasci, ut penuriâ pretium augeatur.

§. 21. Hinc igitur sequitur, si in Civitate duæ res sint diversissimæ, sed quarum æquè communis est usus & par comparandi difficultas, atq; ita par indigentia, par quoq; omnino utriusq; rei pretium esse. Si vero alterius rei vel frequentior usus, vel major parandi difficultas fuerit, hoc ipso ejus quoq; precium majus erit. Nec dices posse Emtores alteram rem majoris emere. Non enim de pretio voluntario. quod consensu & arbitrio suo partes constituunt, sed de pretio rerum publico agimus: pars enim rebus suis abuti & pro lubitu pretium majus solvere potest; verum si erator ille, cum eodem pretio in civitate rem comparare posset, multò pluris emat, venditor ex stultitiâ emtoris id pretium habere dicitur *in l. 3. pr. ff. Ad. L. Falc.*

§. 22. Atq; hæc fuit antiquissima res ab invicem acquirendi ratio, permutando scil. merces, quorum. par esset utrinq; indigentia. Ita Germanos olim non pecuniâ, sed *simplicius & antiquius permutatione mercium usus*, testatur Tacitus *de Mor. German. cap. 5.* Et antiquissimum id genus contrahendi fuisse ait Imperator in §. 2. *Inst. de Emt. & Vend.* indeq; emtionis originem cepisse Jctus in *L. 1. pr. ff. de Contrab. Emt.*

§. 23. Anxiè autem quæsitum inter Veteres fuit, potueritne emtio venditio inter gentes tum quoq; fuisse cum nondum nummis uterentur. Id enim Proculus & Nerva negabant, & securi eos sunt Paulus JCr9 in *d. l. 1.* & Imperat. in *d. §. 2.* affirmabant verò Sabinus & Cassius *d. l.* utrinq; Homeri autoritate nsi. Dicendum omnino videtur, emtiones tum quoq; inter Veteres fuisse à permutationibus distinctas; cum distincta horum contractuum nomina, & ab omni memoriâ aliud fuerit *αποθήκη permutatio*, aliud *ἀντι ἀντι*, *πρᾶσις emtio*

emtio venditio; quæ ita Homerus & antiquissimi Auctores distinxere; prout latius id defendunt Hottom. Bachov. Vinn. *ad d. §. 2. & Salmaf. tract. de Usur. c. 13.*

§. 24. Quanquam autem discrimen utriusq; contractus potissimum ab animo contrahentium sumitur, & cum una tantum pars re indigeret, eamq; ab alio peteret emtio; si uterq; invicem indigerent, permutatio visa magis fuerit; non dubito tamen tum, quoq; cum nondum nummi usus esset, aliquam distinctionem precii & mercis fuisse, & regulariter pro mercibus habuisse res utiles, quibus ad usum vitæ carere commode non poterant; pro pretio autem res supervacuas, uti aurum, argentum, & similia, quæ, cum alius ferè usus eorum tum nondum esset, seposuere ad supplendas, si res posceret, indigentias. His itaq; supervacuis rebus usi sunt ad comparanda sibi necessaria vitæ, eò magis, quod appendi commode potuerint; & sic appenso argento, ceu pretio, emtiones factæ *Gen. c. 23. v. 15. 16. & c. 42. junct. c. 43. v. 21.*

§. 25. Sæpe tamē res utiles quoq; uti pecudes vel coria, vel pelles &c. pro precio habuere: cum enim non semper, nec omnibus, in primis pauperioribus & gregariis militibus, in promptu esset aurum argentumq; & tamen indigerent rebus magis necessariis, res alias, naturā quidem utiles quoque, sed quibus ipsi tum vel abundabant vel minus indigebant, in pretium obtulerunt, habitumq; id pro emtione ab animo contrahentium fuit; qui si aurum vel argentum non haberent, vel non satis haberent, alias res, quarum definitior æstimatio erat, quæq; facilius in commercium accipi solebant, sibi seposuerunt & reservarunt, utiis in eventum, sicuti rebus aliis, egerent (uti non possunt non quotidie ferè egere) comparare eas quasi pretio possent. Quo

14 DISPUTATIO JURIDICA INAUGURALIS,
in genere maximè fuere pecudes, adeò ut res ma-
joris pretii bobus æstimatæ, & *ἑκατόβοιαι, ἑκατομβοῖαι, no-*
vem bobus, centum bobus dignæ dictæ fuerint, uti de ar-
mis Glauci & Diomedis docuit Homerus *lib. 6. Iliad.*
vers. 236. quod & probat Plin. *lib. 33. Hiss. cap. 1.*

§. 26. Illi autem non videntur probandi Autores,
qui existimant, hodieq; emtionem ita, si partes id agant,
feri posse; inter quos est Hottom. *ad d. §. 2.* Neque
verò id sensisse Sabinum & Casium existimo, qui de
antiquissimorum temporum moribus ac Trajani æ-
vo disputant. Ex quo enim usus nummorum magis fre-
quentari cæpit, sensim inter gentes obtinuit, ut emtio
venditio videretur, quæ pecuniâ numeratâ fieret, aliarū
verò rerum omnium permutatio esset. Idq; Jctorum
equidem Romanorum temporibus obtinuisse indubi-
um est *l. 1. princ. C. de Rer. perm.* Neq; verò hodiè vi-
deri potest aurum & argentum ad alios usus quàm ad
permutationes, vel comparationes mercium pertine-
re, ex quo in vulgus quoq; poculorum, pelvium, vasorū,
quin mensarum, & suppellectilis quoq; usum præbent:
l. 1. §. 3. ff. de Suppell. leg. quod apud Romanos quoque
antiquioris seculi severitas nondum admiserat. *d. l. 1. §.*
f. l. 7. §. 1. ff. eod. tit. Ut adeò nunc non minùs mercium
loco, quàm vina ac vestes, haberi debeant, non verò
amplius pretii vices obtinere possint.

§. 27. Neq; moveri textus in *l. 1. C. de Rer. perm.*
quem Hottom. adducit, ubi Gordianus videtur voluis-
se, hodieq; emtionem esse, si quis venalem possessio-
nem pro aliâ possessione emtam velit. Nam Resp.
cùm ibi possessio venalis fuerit, venditor verò pretio
& pecuniâ numeratâ venditam voluerit, pretium ipse
quidem definitum habuit, sed, cùm emtor nummos

non

non haberet, aliam possessionem tanquam in solutum accepit, quod omnino instar emtionis est. *per l. 9. C. de Re-
scind. Vend. Dn. Brunn. ad dd. ll.*

§. 28. Cæterum hæc permutandi ratio juxta men-
suram indigentia in tantâ contractuum frequentia cum
maximis difficultatibus luctabatur: cum enim haud
facile contingeret, ut, cum egerem re quam tu habe-
bas, invicem rem haberem quam tu accipere velles, ra-
rissime convenire inter partes permutandis rebus po-
tuit, cum tamen singulis propè momentis permuta-
tiones essent necessariae, uti hic hominum status recen-
setur *in l. 1. pr. ff. de Contr. Emt.* Quibus permutatio-
num difficultatibus ut subveniretur, quaesita fuit ma-
teria, quæ tam certæ esset quantitatis, ut omnium re-
rum valorem, licet infinire varium, & consequenter
ipsam rerum mensuram, indigentiam quoq; metiretur.
Talis itaq; materia si inveniretur, esset ea planè mensura
mensuræ rerum, ipsius scil. indigentia, quæ satis qui-
dem accuratè res metitur, at difficulter adhiberi &
exitum invenire potest, quia is, qui re indiget, non o-
mnes res quibus & alter pariter indigeat, habet. Un-
de talis materia requiritur, quæ universalis esset
rerum mensura, omnesq; res & omnem adeò indigen-
tiam metiretur. Eò enim fieret, ut talem materiam
mihi in omnem eventum facile reponere possem, & si
quâ re indigerem quam tu habes, non opus esset ex-
quirere, an vicissim haberem quam tu desiderares,
cum in promptu esset res, quâ, quicquid desideras,
quod ejusdem sit indigentia ac valoris, comparare
semper possis. Hinc talis materia non vices tantum
indigentia in præsens obtinet, sed in futurum quo-
que quasi pro sponfore est, quo veluti nobis caveretur, eo,
si in-

si indigentia aliquando inciderit, permutationem fieri posse: quemadmodum præclare sanè, si quicquam, id expresit Aristot. *Lib. 5. Ethic. Nicom. c. 8.*

§. 29. Cum ergo in hoc nummus electus sit intergentes, videamus, (ut appareat, an ille rerum omnium mensuram & indigentiam suppleat) quid naturaliter ad talem rerum mensuram universalem requiratur. Dicimus igitur ad eam requiri (1.) Ut materia difficilis comparatu sit: cum enim comparandi difficultas plurimum augeat, facilitas autem habendi extinguat pretium seu indigentiam, *sup. §. 10.* non posset res pretiosas & comparationis difficillimæ æquare ac pensare materia, quæ passim obvia & cuius facilis esset cuiq; acquisitio (2.) Ut partes ejus singulæ sint homogeneæ, seu ejusdem inter se valoris; quò infinitis pretii rerum ac indigentia varietatibus per partes respondere & æquiparari possit. Gemmæ igitur mensuræ rerum esse nequeunt; cum integræ immensi sint pretii, fractæ propè nullius: non potest autem innumeros pretii gradus res partibus suis metiri, si partes inter se æquales non sunt. (3.) Ut alium usum non habeat: cum enim quæritur materia, quæ esset constans & perpetua rerum mensura, *d. l. 1. princ. verb. perpetua æstimatio.* usus verò frequentia variet indigentiam & rerum pretia, *sup. §. 8.* non esset certa & constans rerum mensura, quæ pro usus modo variaret. (4.) Ut quantitas æstimationis publica fide & autoritate imposita sit; *d. l. 1. princ. verb. publica æstimatio.* & *verb. forma publica* cum maximum commercii impedimentum foret, si in quovis negotio prius excutienda esset auri argentiq; sinceritas, pondus, æstimatio; quæ non nisi à peritis excuri possunt. Atq; hinc (5.) ut talis formæ suscipiendæ idonea sit materia.

§. 30. Facile jam apparet, hæc requisita in auro & argento, vel in nulla re concurrere: adeoque auream argenteamque monetam probam, esse posse universalem rerum omnium mensuram, & indigentiae vices ubique supplere, eiq; surrogari. Ea igitur intergentes huic rei optime electa videtur juxta *d. l. 1. princ.* Equidem æneæ quoque monetæ usus esse potest, sed vilioribus tantum rebus æstimandis, cum enim æs copiosius, & comparatu facilius sit, quam aurum & argentum, eoque minoris precii, non potest illud res preciosiores metiri, etsi enim forè congesta magna æneorum nummorum summâ vel pondere æquaret valorem rei, propter incommoda tamen tantæ molis ac ponderis, eique conjunctam custodiendi, transferendique de loco in locum difficultatem, & plurimum valori nummorum decedet, nec facile venditor ad permutandum adducetur. Unde & in Edicto Monetario Imperii de anno 1559. §. 11. cautum est, *ne quis teneatur majorem summam quam 25 florenorum in moneta area, et si aliquid argenti admixtum sit, recipere.* Quod & aliis in regnis cavetur, & de regno Scotiæ testatur Buchan. *Rer. Scot. lib. 12.*

§. 31. Videntur tamen in auro quoque & argento non omnia, quæ recensuimus, requisita accuratè concurrere: sed deficere quod tertio loco allatum est, ne materia, quæ rerum sit mensura, alium usum habeat: cum e contrario multifarius præterea sit auri argentiq; usus. Verum, etsi fatendum sit, nec auri argentiq; mensuram esse omnibus modis perfectam ac immutabilem, sed eorum quoque pretium quandoque variare, inprimis, quia & aliis usibus plurimum impenduntur; certum tamen est, hoc metallum talem, qualis equidem in hoc orbe inveniri potest, & ad viræ

G

humana-

humanæ usus sufficit, rerum mensuram, saltem si abusus caveatur, & debita ei rei cura publicè adhibeatur, præbere posse, & præ aliis materiis huic rei commodissimum esse.

§. 32. Nec verò antiquissimis temporibus usus auri argentique permissus in vulgus adeò promiscuè fuit, sed Regibus ac Magnatibus magis solennis. Et in ipsa Asia Jonathani, Judæorum Duci, rebusque gestis claro, maximi beneficii loco permissum fuit ab Antiocho, ut auro ad mensam, & aureo cingulo uti liceret. Macchab. l. c. 11. v. 53. Et legibus Imperii vestitiis interdictus est plebi usus auri in vestibus: Equitibus verò, Doctoribus & Nobilibus, non nisi ad certum modum concessus. *Ord. Pol. 1577. tit. 11.* Quanquam & Romanos, victâ Asiâ, luxus, imprimis auri, jam invaserat. Et Aurelianus Imp. dixit, aurum per varios bracteatum, filorum & liquationum usus perire; & hinc facultatem dedit aureis vasis & poculis utendi, ut minùs saltem periret. Flav. Vopisc. in *Aurelian.* cap. 46. Quicquid verò hujus sit, aliis rebus accuratiorem mensuram rerum fieri non posse constat.

§. 33. Quemadmodum verò rerum, ut indigentia, sic æstimatio, plurimum & difficultate comparandi augetur, & facilitate ac copia remittitur; ita idem eadem ratione accidere in auro & argento necesse est, ut copiam vilescat, eoque in immensum rerum precia excrecant. Atque hinc antè inter requisita mensuræ rerum universalis recensuimus, ut materia ejus difficilis sit comparatu: quippe quæ aliis non posset æquare & metiri valore suo res preciosissimas, & comparatu difficillimas. Et ostensum jam est, nimiam rerum, utilissimarum quoque, copiam evanescere earum pretium, perinde ut aquæ.

§. 34. Et contigisse illud temporibus Salomonis dicitur, ut *argenti nullum pretium tum fuerit*; 1. Reg. 10. vers. 21. *cujus mox vers. 27. subjungitur ratio, quod tanta argenti copia eo tempore fuerit, ut lapides aquaret.* Et refert Sueton. in *August. cap. 41. nummos dimidia pretii parte imminutos fuisse ex copia gazæ regis Ægypti tum Romam advectæ. Inveſta, ait, Romæ ab Augusto regia Ægypti gazâ tantam efficit copiam rei nummaria, ut diminuto ſenore plurimum agrorum precii acceſſerit.* Pariter Josephus, de Bell. Jud. lib. 6. cap. pen. testatur, *captis Hierosolymis auri valorem dimidia parte decreviſſe ex copia auri capti: & tantum auri, quod antea 25. Atticos valuerit, tum 12. Atticis comparari potuiſſe.* Et jam antè allegavimus ex Diodor. lib. 3. cap. 45. *in Arabia felici magnam vim auri, quod Apyrum vocant, ſponte & illico purum naſci, eamque cauſam eſſe, cur aris & ferri pari pondere id permutetur.*

§. 35. Unde judicium ferri poterit, an Europa, vel Germania noſtra, ex quo, inventis novis terris auri teracibus, tanta moles auri argentique in eam inde inveſta eſt, eâ re locupletior facta fuerit; cum pro modo copix, quæ advehitur, ejus decreſcat precium ac valor; atque adeò una auri libra antè duo ſecula, nondum inventâ utraq; Indiâ, ac terris illis auriferis, tantundem fuerit, ac nunc ſunt 20. libræ, ſi decuplo, major jam ſit auri copia; quia hoc factò decuplo remiſſior atque imminutor fiet indigentia, adeoq; & pretium, quod illa meretur; cui conſequens eſt, decuplum acceſſiſſe precii agrorum, mercium, operarum: quanquam mox oſtenſuri ſumus, non decuplum, ſed propè bis decuplo & auri argentique molem, & pariter rerum pretia aucta fuiſſe.

§. 36. Tantundem igitur in bonis vel reditu tunc

habuit, qui auri libram, quàm nunc, qui 10. vel 20. libras habet: tantumque tunc comparari eâ librâ potuit, quantum nunc 10. vel 20. ut mox apparebit. Quin in antiquo illo modo plus adhuc commodi videtur fuisse, quàm in hodierno: cum enim exigua portio facilius ad omnes pervenire, & exiguâ portione multum mercium comparari potuerit; nunc, cum pluribus opus est, & difficilius id acquiritur, & minus eo permutatur.

§. 37. Ut verò ei, quod hactenus demonstratum est, ab experientia quoque præsidium quaeratur, accipiamus Illustr. Dn. Præsidentem oculato teste, cum aliquando in summo Consilio Status Palæo præsentem exhibitæ essent antiquissimæ legationum rationes, relatos in eas fuisse sumptus legati Electoralis, quod impenderat in itinere in hospitium; notatumque ibi, ipsum cum toto suo Comitatu sexta parte thaleri Imperialis, ut vocant, dimissum fuisse. Aliorum verò Principum legatis quæ honoris dara essent munera, tam fuisse exilia, & ut nunc sunt, vilia, ut incredibile id dictu videatur.

§. 38. Mirificè autem confirmat eam rem schedula, quam inter verustas chartas ab Illustri Dn. Præsidente olim inventam, & antiquâ manu, sed quam sibi familiarem, & non minùs, quàm propria est, perspectissimam testatur, inspexi, ubi comparantur pretia rerum, qualia in prima exstrukione Curiaë Bremensis An. 1410. fuere, quo tempore cœperant explorari novi orbis terræ earumque divitiæ, sed quæ nondum in Germaniam effusæ tum fuerant; & qualia fuerint in altera Curiaë illius reparatione, quæ anno 1611. accidit. Quanquam verò admirabilis sit hæc preciorum discrepantia per duo ista secula, id tamen ne comparandum quidem est cum pretiis nostri temporis cujus causas

dein

deinde expendemus. Cùm verò schedula illa nomina habeat monetæ Bremensis, Schwere / Grote / non omnibus obvia, reducta ea ad partes nummi Uncialis argentei, vulgò Imperialis thaleri, exhibebo. Ibi igitur, sed vernaculè, refertur.

§. 39. Anno 1410. Curiam Bremensem, consule Friderico Wiggerß / & Consule Henrico van der Truppen / triennio extractam, & tum persoluta hæc fuisse:

Singulis operariis proprio sumtu victum sibi parantibus, pro mercede operæ diurnæ in universum data est unius thaleri pars 45^{ma}.

Mille lapides cocti, eo modo eaque quantitate, quæ adhuc apparet in antiquissimis ædificiis tum extructis, emti sunt parte thaleri 3^{ia} & unius, tertię sextante.

Vehiculum calcis parte thaleri 9^{ma}.

Absoluto opere præmium & pro munere Operariis datæ sunt duæ pernæ Westphalicæ, emtæ 12^{ma} thaleri parte.

In panes pars thaleri octava decima.

Pro dolio cerevisiæ pleno, quod tonnam vocant, & satis capax ibi est, data est pars thaleri 3^{ia} & sic porro.

§. 40. Anno deinde 1611. singulis Operariis in mercedem, ut antè, data est thaleri pars 6ta.

Mille lapides cocti, qui ne æquant quidem molem lapidum antiquissimorum, de quibus §. 39. sup. emti sunt thaleris Imperialibus 4.

Vehiculum calcis thaleris Imp. 3.

Dolium cerevisiæ vilioris thaleris Imp. 2.
melioris thaleris 3.

Libra una pernæ Westph. parte thaleri 20^{ma} aut paulò pluri.

Frumentī quoq; & hordei aliorumq; similis prope fuit portio.

§. 41. Unde mirum videri non debet, quod tanta & tam vastæ molis opera innumera, quibus extruendis nunc vix ullum precium sufficeret, tum in tanta penuria auri & argenti potuerint tam facile extrui & perfici. Causa enim præcipua fuit operarum vile tum precium, quippe cum auri argentique magnatum indigentia difficilisque comparatio fuerit, operarum verò & earum quibus operarii indigent rerum multa copia, unde parum auri metiri potuit plurimum operarum & mercium. Materia enim ipsa ædificiorum facile patuit, & ex sylvis & lapidinis cædi absq; precio prope potuit, sed omnis sumtus ædificiorum impenditur in operas ligna & lapides cædendi, parandi, advehendi, ornandi, jungendi &c. quæ omnes operæ tum vilissimo precio, ut vidimus §. 39. *sup.* concludi poterant, hodie vilissimæ quoque operæ non nisi maximo; cum auri & argenti jam facilius per copiam sit comparatio, operarum autem propter rerum, quibus illæ utuntur, caritatem & quærendi difficultatem, seu indigentiam perquam difficilis. Crevit igitur mirum in modum operarum, quarum incredibilis multitudo & varietas in ædificando adhibenda est, indigentia, quam nonnisi æs copiosius pro modo præfenti metitur.

§. 42. Ex iisdem, quas præmissimus, causis porro concluditur, plurimum quoque decedere precio nummorum ex admixtione æris vilioris: cum enim facilius illud comparatu sit, illico laxatur indigentia, & proejus mensura precium nummorum fit vilius, acceditque id precio rerum seu mercium, quarum eò minor jam indigentia est, quam nummorum, quò plus hiscæ admisceatur materiæ, quæ facile haberi poreit.

§. 43. Atq; hæc omnino præcipue causa esse videtur, cur elapso novissime seculo, & imprimis à 30. retro annis & quod excedit, tantopere excreverint rerum præcia; quod & firmatur, in R. I. 1570. §. 121. ibi: welches dann auch nicht die geringste Ursach der behærelichen Steigerung in allen victualien und commercien: cum enim tum magna æroforum nummorum,

vis inundaret prope Germaniam, e re visum fuit pluribus Imperii Statibus vel circulis, ut frenum abufui illi injiceretur, & lilteretur ille arosam monetam cudendi torrens, convenire inter fe in certas leges, quibus admitteretur pro temporum rationibus paulo liberalior aris admixtio, quàm edicto Imperii Edictali definitum fuerat, verùm intra certum modum certosq; fines: quemadmodum ita dudum inter fe convenere §. Status Circuli Rhenensis; & in Circulo Saxonico superiore iteratæ sunt tales conventiones, novissimèq; Lipsiæ modus præscriptus est, vulgò *der Leipziger Fuß*. Non potuit igitur, quin, quod ita deceslit nummorum precio, id rerum precii accreverit.

§. 44. Hinc ergo patet, & plane consequens est, si legibus regni inducitur moneta, quæ quartâ saltem sui parte deficiat à bonitate sua intrinseca, hoc ipso perire omnibus, ac Principibus imprimis, dimidiam totius sortis suæ partem: primum enim & sors ipsa quartâ parte minus valet, & omnis redditus sive ex usuris, sive proventibus publicis ac regalibus, percipitur, uti vectigalia, census, collectæ &c. quartâ pretii parte imminuuntur; econtrario verò, cum id rerum ac mercium precii accesserit, ad eas comparandas quartâ parte amplius quotannis erogandum est. Duplicis igitur quartæ detrimentum Principibus maxime infertur talis monetæ usu; unius enim quartæ jacturam facit in redditibus annuis, quos quarta parte minores percipiunt; alterius in erogationibus, quæ quartâ parte pluris sint necesse est; eorq; necessariò duarum quartarum damnum patiuntur, integrumque adeò semissem omnium cum sortium, omnisq; redditus pecuniarum perdunt.

§. 45. Et hoc ipsum, quòd incredibile damnum inde redundet in Imperium ejusq; membra toties clamant leges Imperii *R. F. 1566. §. 170. R. F. 1570. §. 121. R. F. 1576. §. 73.* ubi dicitur, *Das dadurch dem gemeinen Mann/ ja dem ganzen Reich unausredliche/ unauffhörliche Schäden zugefügt werden: item: Das solchem Land verderblichen einreisenden Ubel zuwehren &c.* Loquitur autem textus de vicinorum monetis, qua

24 DISP. JUR. INAUGURAL. DE VERO RERUM PRETIO.

quæ tamen non multum distabant ab Imperiali. Quod si ergo ex eorum usu creditum fuit ineffabile damnum oriri, quid dicendum, si quartâ parte aut amplius imminuatur ejus bonitas intrinseca admixtâ materiâ viliore. Verum est easæpe reip. conditio & temporum necessitas, ut cum hæc evitari ac tolli nequeant, restringi saltem consultum videatur.

§. 46. Cæterum nihil æquè omne auro argenteoq; pretium auferret, quàm si Alchymistica arte fundi ac fieri posset. Cesfaret insignis illa comparandi difficultas, quæ omnem mensuram pretiumq; ac indigentiam facit; atq; ita jam iplis, qui tantis sumptibus tantoq; labore artem invenissent, nihil profuturum esset. Ut adeò, si verendum foret, ne arte quoq; fieri aurum posset, (quod tamen verendum non videtur) nihil magis reip. interesset, quàm ut & arte & inquisitione ejus rei omnibus interdiceretur.

§. 47. Atq; ita ex hætenus dictis constat, quæ sit vera rerum mensura, verumq; adeò pretium. Verum, cum inter nummi requisita sit, ut de ejus quantitate publica fide & formâ constet, sequitur, proportionem materiæ & ætimationis, seu, ut loquuntur, bonitatis intrinsecæ & extrinsecæ relinqui judicio Principis. Unde, etsi fortè tam accuratè non conveniat, veram tamen & justam mensuram esse, uti Prætorius dicit, etsi injuriâ dicat. *l. pen. ff. de Inst. & jur.* cum ejus judicio commissum, eiq; proinde standum sit. Atq; ita in edicto Monetali, cum lege certa quantitas nummo imponeretur, lex præmissa est, ut, prout illa edicto determinaretur, id pro justo valore esset, sölle ab so für Wehrschaft gehalten werden *Ord. Mon. 1559. §. 1.* Verum, si tam manifesta & notabilis sit inæqualitas, ut publice jam nummi pretium deficiat, rerumq; inde pretium surgat, atq; adeò parti damnum inde immineat, jam non tenetur eam quali probam recipere. *l. 99. ff. de Solut.*

§. 48. Unde sequitur, in nummis regulariter non inspicì bonitatem intrinsecam, quæ arbitrio & judicio Principis definitur, de quo privati disputare nequeunt, sed sufficere, si restituatur vel solvatur in eadem bonitate extrinseca; modò ne tanta sit disparitas, ut jam damnum pars passura sit. *l. 99.* Quod latius hic & multa alia, deduci possent; verum pro temporis & instituti modo hæc jam sufficiant.

CONSECTARIA.

1. **U**Ti precium est mensura & æstimatio rei, ita merces nudi usus aut operæ in locatione.

2. Usura in genere est mensura & æstimatio usus, excepto usu rei locari solitæ, cujus æstimatio merces dicitur.

3. Hinc sequitur, uti precium debet esse certum, ita & mercedem & usuram: non enim potest esse mensura & alias res metiri, quod ipsum in se certam mensuram non habet.

4. Hinc, ut precium & merces, ita & usura consistit in pecunia numerata; quippe quæ inter gentes electa est rerum omnium mensura ac æstimatio.

5. Res fungibiles, quæ in quantitate consistunt, non producant fructum qui scorsim à rebus æstimari possit, cum usu consumantur: per commercia hominum tamen utilitas earum, v. g. pecuniæ numeratæ, esse, & lucra inde percipi possunt, vilius scil. emendo & carius vendendo &c.

6. Verum hæc lucra & magis ex negotiatione quam re oriuntur, & adeò varia ac incerta sunt, ut quandoque immensi inde quæstus, aliquando nulli, quin damna potius oriantur.

7. Et tamen hoc ipsum, quod ex rerum harum fungibilium permutatione possit lucrum capi; est utilitas quædam, quæ ex ipsis quodam-

D modo

modo rebus quoque capi videtur; adeoque aliquid æstimabile, sed incertum & ambiguum, quanti.

8. Fiet autem æstimatio pro diuturnitate temporis, quia quò diutius quis ea re usus est, eò plus lucri inde percepit, vel percipere potuit.

9. Cum autem nihil appareat, quo definiti & statui certa quantitas & æstimatio queat, hinc totum hoc relictum est arbitrio legum ac magistratus, ut hic probabiliter & ex reip. comodo ac rationibus id definiat.

10. Frequentius autem obtinuit, ut usus 20. annorum æquare ipsam sortem intelligatur; quo efficitur, ut unius anni usus æstimetur quinis in singula centena: quæ in sorte pecuniæ numeratæ sunt usuræ quincunces. Hæc computatio præferenda omnibus videtur: cum enim varient maximè cujusque anni lucra, tum in commerciorum lucris, tum in fundorum redditibus, & proinde per naturam non possit in singulos annos certa æstimatio eorum fieri, oportuit aliquam annorum seriem jungi, quæ annos steriles juxta ac uberes, & varios casus complexa, ipsas has vicissitudines quoque curriculo suo, quoties in orbem redit, metiretur. Estque numerus iste, cum usuræ tum sortis, rotundus, ac facilis, & hodie in Imperio, uti olim in provinciis Romanis receptus.

11. Uti

11. Uti jam fortis 100. nummorum usus annuus æstimatur 5. nummis; ita eadem ratione fortis 100. amphorarum usus, 5. amphoris; atque ita cæterorum, quæ pondere & mensura constant, perinde ac eorum, quæ numero, usus annuus vigesima parte fortis æstimatur, cæque legitimæ sunt usuræ.

12. Unde constat, cur, his casibus, quoties fors est rerum quæ numero, pondere, & mensurâ constant, usuræ quoque in eodem genere, & non tantum in pecunia numerata constitui possint: *l. 23. C. de Usur.* quoniam scil. certior est mensura ejusdem quantitatis quàm alterius: uti enim 5. aurei annui metiuntur usum fortis 100. aureorum, ita consequens est, ut 5. amphoræ vel modii annui metiantur sortem 100. amphorarum vel modiorum.

13. Eademque ratione sequitur, si fundus locetur, cujus fructus constat pondere vel mensura, mercedem quoque in rebus ejusdem generis constitui posse. *l. 8. l. 21. C. de loc. cond.* Et falluntur, qui putant, propriè eam locationem non esse. Hi enim sunt casus singularissimi, quibus usura & merces non tantum pecuniâ numeratâ, sed etiam, & certius quidem, ejusdem generis quantitate consutui potest, & quibus adeo non tantum pecunia numerata, sed & magis quoque ejusdem generis quantitas certa usus mensura est.

D 2 14. Quem

14. Quemadmodum igitur fors, quæ in quantitate consistit, 20. annorum redditu æstima-
tur, ita ad eundem modum, si fundi pretium
ad easdem rationes exigatur, & 20. annorum re-
ditu constituatur, erit illud verum ac legale ejus
pretium. *arg. l. 3. §. fin. ff. Ad L. Falc.* De quo
Dn. Præf. in *Hypomn. feud. t. 6. §. 30. 31. Et in
Disp. de Adoh.*

15. Plurimum quoq; precio rerum detrahit pos-
sessionis vel usus incertum: longè enim magis de-
siderant homines ea, quorum certa, quàm quo-
rum incerta possessio: eoque imminuitur maxi-
mè indigentia, cum pauci cupiunt.

16. Et spes & periculum seu alea quoq; æstimari
possunt. Mensura eorum est ipsius boni sperati,
vel damni quod metuitur, premium, verum cui
detrahitur plurimum pro modo incerti.

17. Ususfructus æstimatur ex ætate fructua-
rii; non enim sexagenarius tantum fructuum
percepturus creditur, quàm anniculus. Lege i-
gitur definitum est, ut summum premium sit 30.
annorum redditus. Si verò fructuarius major sit
30. annis, tot anni decedunt precio, quod acce-
dunt ætati post trigessimum. *L. 68. pr. ff. ad L. Falc.*

18. Denique non dubitamus, etiam tum, cum
nummus nondum esset, emtiones tamen con-
sensu constitisse, permutationes re.

Quæ si pro merito omnia tractanda essent,
nullus disputationi modus foret.